



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

১৬ জানুয়ারি ২০০৭

কলকাতা সফরে বৃহত্তম মার্কিন বাণিজ্য প্রতিনিধি দল

কলকাতা -- মার্কিন যুক্তরাষ্ট্রের এক বাণিজ্যিক প্রতিনিধি দল আগামীকাল চার দিনের সফরে কলকাতায় আসছে। সাম্প্রতিক কালে এত বড় মাপের প্রতিনিধি দল কলকাতায় আসেনি। গত মাসে বৃহত্তম মার্কিন বাণিজ্য দলের ভারত সফরের পরেই ওয়াশিংটনের ইনস্টিটিউট অব স্ক্র্যাপ রিসাইক্লিং ইন্ডাস্ট্রিজ, ইনকরপোরেটেডের (আইএসআরআই) নেতৃত্বে ২৫ সদস্যের এই বাণিজ্য দলটি ১৭-২০ জানুয়ারি কলকাতা সফর করবে। স্থানীয় বাণিজ্য মহলের শীর্ষ নেতৃত্বের সঙ্গে আলোচনা ছাড়াও মার্কিন প্রতিনিধিরা কেন্দ্রীয় সরকারের ডিরেক্টরেট জেনারেল অব ফরেন ট্রেডের পদস্থ আধিকারিকদের সঙ্গে বৈঠক করবেন। দেশের অন্যতম বৃহত্তম বন্দর ও পণ্য পরিবহন টার্মিনাল ঘুরে দেখার পাশাপাশি মার্কিন দলটি দুর্গাপুর শিল্পাঞ্চল ও কলকাতা বন্দরও পরিদর্শন করবে। ছাঁটাই লোহার ব্যবসার ক্ষেত্রে সারা বিশ্বে ভারতের বাজার দ্রুত বেড়ে চলেছে। মার্কিন যুক্তরাষ্ট্রে ছাঁটাই ধাতব পদার্থের রিসাইক্লিং ও প্রসেসিং ব্যবসার প্রতিনিধিত্ব করে আইএসআরআই। এই সফরের ফলে ছাঁট ব্যবসার সঙ্গে যুক্ত মার্কিন উৎপাদক ও ভারতীয় খরিদারদের মধ্যে গাঁটছড়া দূরতর হয়ে উঠবে বলে আশা করা হচ্ছে।

ভারতে কাঁচা মালের ক্রমবর্ধমান চাহিদার পরিপ্রেক্ষিতে ২০০৫ সালে মার্কিন রপ্তানিকারকেরা ৩৬ কোটি ৭০ লক্ষ ডলার মূল্যের ছাঁটাই মাল পাঠিয়েছে। শুধু লোহা রপ্তানির ক্ষেত্রেই এই হিসাব ২০০৪ সালের তুলনায় শতকরা ২০০ ভাগ বেশি। মার্কিন বাণিজ্য দপ্তর এই সফরের ক্ষেত্রে প্রয়োজনীয় সহায়তা যোগাচ্ছে।
